

Sihbwz Gunghda Yauvai Hozdung Cungsim Youq Yungzsuij Roengzhoh

西北工大校外活动中心落户大苗山

5 nyied 15 hauh, Sihbwz Gunghyez Dayoz Yendai Yenjcwngz Gyauyuz Yungzsuij Myauzcuz Swciyen Minzcuz Cizyez Gisuz Yozyau Yauvai Hagsib Cungsim, youq aen yienh neix Minzcuz Cizyez Gisuz Yozyau venj baiz, gyoengq hagsae Yungzsuij yaek leihyungh yenjcwngz gyauyoz lijnen moq, gisuz moq, doidoengh minzcuz gyauyuz miz fazcanj moq.

Bi'gvaq gvaqdaej, Sihbwz Gunghyez Dayoz aeu bang gungz sien bang gvai guh giz

roengzfwngz, lienzdaemh senj baij song boux lauxsae dangjyenz maenhndei bae daengz mbanj gungzhoj dang daih'it suhgi, guh hong fuzbinz. Iucingj aen yienh neix yozyau lingjdauj, guzgan lauxsae 100 lai boux daengz gij fucuz cungh siujyoz, youwzyenz aen yozyau neix gaen ban hagsib, 130 boux lingjdauj ganbu daengz aen hagdangz neix guh doxdoiq beizyin daengj.

(Lungz Linzci/龙林智)



▲ Lingjdauj gangj vah.

◀ Venj baiz sat le ingjsiengq louzniemh.



▲ Gyauhgingj caeuq hagseng youq gwnz daiz itheij biujyenj.

Gunghcwngz: Guh Aen Hoz- dung Fazci Haeuj Hagdangz

恭城: 开展法制进校园活动

Vihliux gyagiengz hagdangz fazci gensez, daezsang hagseng fazci yisiz, fuengzre hagseng famhcoih, son hagseng yungh fazliz baujhu bonjfaenh, daj iq lienh baenz sibgveng ndei cunh gij souj fap, 5 nyied 9 hauh, Gunghcwngz Yauzcuz Swciyen Yenciz Itsiuj guh le aen hozdung "fazci haeuj hagdangz" senhconz, lij iucingj ndaw yienh gyauhgingj dadui gingjgvanh daeuj daengz ndaw hag cauhcangz guh le ciengz sengdoengh fazci conhdiz baugau he.

Aen gyangicoz neix gangj ndaej ndei raixcaix, youh caenciet youh doxdoengh, gyoengq lauxsae caeuq hagseng bekwngz haenhndei, senhconz hozdung cangyi hagseng maranz doiq bohmeuh guh senhconz, aeu fwngz iq rag fwngz hung, dabdaengz gij senhconz yaudoj "1+1".

(Liengz Veih/梁辉 Denz Yagenh/田夏娟)

Sanhgyangh: Ciengq Go Diuq Foux Coux Ciethusw

三江: 载歌载舞迎接护士节

5 nyied 11 hauh, Liujcouh Si Sanhgyangh Duncuz Swciyen gawjhengz "raq rumz moq baenzgya aeulwg haeuj fanh gya" doxcomz senhconz nem "5·12" gozci ciethusw vwnzyi veiienj, gyoengq yihliuz veiswngn hidungj yihvu yinzyenz daj dangdieg haeuj haenx doenggvaq siujbinj, heiqcingzgingj, eufwen, dohyeh daengj cezmu hingsik, ciengq go diuq foux coux gozci ciethusw.

(Vuz Lenyinh/吴练勋)

► Yihhu yinzyenz yienj heiq gvaibanj.



Lungzswng: Son Hag Dinfwngz Swnjcienz Feihyiz

龙胜: 培训技艺 传承非遗

5 nyied 10 hauh, Lungzswng Gak Cuz Swciyen gaiq daihngieh Yauzcuz ndangdaenj (Hungzyauz) nyumxlab dinfwngz banbeizyin hai ban. Iucingj Gvangsiah feihvuzciz vwnzva yizcanj mingzloeg hanghmoeg (Yauzcuz ndangdaenj) daibuijsing boux vunz swnjcienz daeuj daengz yienhciegz fwngz gaem fwngz

dwk son.

30 boux Hungzyauz beixnuengx daj Lungciz Cin, Swsuij Yangh, Majdiz Yangh daeuj haenx camgya le nyumxlab, daemjbaengz, siuqva daengj dinfwngz beizyin, beizyin seizgan aen singhgiz ndeu.

(Banh Cisiengz/潘志祥)



▲ Yauzcuz mehmbwk youq gwnz dangz dingq dangzgoq nyumxlab.



▲ Lauxsae bak gangj fwngz son, hagseng nyinhcaen roengzrengz hag.